

მმართველობითი პასუხისმგებლობების განაწილება

I. ორგანიზაციის მმართველი რგოლი (დირექტორი) ვალდებულია:

- დაიცვას საქართველოს კანონმდებლობა შრომის უსაფრთხოების სფეროში.
- მუდმივ რეჟიმში იზრუნოს სამუშაო პირობების გაუმჯობესებასა და სრულყოფაზე.
- გასწიოს სამუშაო სივრცეში შრომის უსაფრთხოებასთან და სანიტარიულ-ჰიგიენურ ღონისძიებებთან დაკავშირებული ყველა ხარჯი.
- აწარმოოს სამუშაო პროცესიდან გამომდინარე საფრთხეების იდენტიფიცირება და რისკების შეფასება, განახორციელოს მუდმივი კონტროლი.
- შრომის უსაფრთხო პირობების გაუმჯობესებისათვის, იზრუნოს ახალი ტექნოლოგიების დანერგვასა და არსებული ტექნოლოგიური მოწყობილობების მოდერნიზაციაზე.
- თანამშრომელთა შრომის უსაფრთხო და ჯანსაღი პირობების შექმნის მიზნით უზრუნველყოს პერსონალის სწავლების ორგანიზება.
- უზრუნველყოს კომპანიის თანამშრომლებზე შრომის უსაფრთხოების მოთხოვნების გაცნობა. ინდივიდუალური და კოლექტიური დამცავი საშუალებების შესყიდვა.
- უბედური შემთხვევების პოტენციური რისკების აღმოფხვრის მიზნით, უზრუნველყოს შესაბამისი ღონისძიებების გატარება.
- უბედური შემთხვევების მოხდენის შემთხვევაში, უზრუნველყოს შესაბამის სახედამხედველო ორგანოებთან დაუყოვნებლივი შეტყობინება, მოკვლევა, აღირცხვა და ანგარიშგების წარმოება.
- პროფესიული დაავადებების დადგენის შემთხვევაში, უზრუნველყოს შესაბამის სახედამხედველო ორგანოებთან დაუყოვნებლივი შეტყობინება, მოკვლევა, აღირცხვა და ანგარიშგების წარმოება.
- საქართველოს მოქმედი კანონმდებლობის საფუძველზე უზრუნველყოს მუშა-მოსამსახურეთა აუცილებელი წინასწარი (სამუშაოს დაწყებისას) და პერიოდული (შრომითი საქმიანობის განმავლობაში) სამედიცინო შემოწმება.

12. ორგანიზაციის ადმინისტრაცია უზრუნველყოფს აღნიშნული პოლიტიკის გატარებას და დასაქმებულებისგან მოითხოვს თავიანთ შრომით საქმიანობაში დაიცვან შრომის უსაფრთხოების მოთხოვნილებები.

II. შრომის უსაფრთხოების სპეციალისტი ახორციელებს:

1. შრომის უსაფრთხოების წესებისა და ინსტრუქციების შესრულების კონტროლს;
2. სამუშაო უსაფრთხო შესრულების კონტროლს: (შრომის უსაფრთხოების წესების დაცვის, ელექტრო და სახანძრო უსაფრთხოების წესების დაცვა, ტექნოლოგიური აღჭურვილობის გამართულობაზე კონტროლი; ინდივიდუალური დაცვის საშუალებების გამართულად და სწორად გამოყენების კონტროლი, ტექნოლოგიური დისციპლინის დაცვის კონტროლი და ა.შ)
3. შესავალი ინსტრუქტაჟის დროულ ჩატარებას, ასევე სამუშაო ადგილებზე შრომის უსაფრთხოების ინსტრუქტაჟებისა და სწავლების ჩატარების კონტროლი;
4. უბედური შემთხვევის მოკვლევისა და საწარმოო ტრავმატიზმის მიზეზების დადგენის მიზნით ღონისძიებათა გატარებას.
5. სამუშაოს მწარმოებელზე/ჯგუფის უფროსებზე მიწერილობის გაცემას შრომის უსაფრთხოების წესების, ინდივიდუალური დაცვის საშუალებების ტარების, მოთხოვნების დარღვევების აღმოსაფხვრელად და შრომის უსაფრთხოების უზრუნველსაყოფად სხვა აუცილებელი ღონისძიებების შესახებ;
6. სამუშაოს მწარმოებლის/ჯგუფის უფროსების მიერ, დარღვევების იგნორირების შემთხვევაში ზემდგომი ხელმძღვანელის ინფორმირებას;
7. კომპანიის ხელმძღვანელობასთან შეთანხმებით ობიექტებზე სამუშაოების წარმოების შეწყვეტას, თუ საფრთხე ემუქრება ადამიანის ჯანმრთელობას.
8. მუშა-მოსამსახურეების სპეც. ტანსაცმლით და სხვა აუცილებელი ინდივიდუალური დაცვის საშუალებებით დროულ მომარაგებაზე კონტროლს.
9. შრომის უსაფრთხოების მოთხოვნებთან დაკავშირებით შესაბამის კომისიებში, ტრეინინგებში, სწავლებებში და ა.შ. მონაწილეობის მიღება.
10. უზრუნველყოს, რომ სამუშაოზე არ მოხდეს დასაქმებულის ან/და სხვა პირის, რომელიც ალკოჰოლური, ნარკოტიკული ან ფსიქოტროპული სიმთვრალის მდგომარეობაში იმყოფება, სამუშაოზე არ დაშვება.
11. შრომის უსაფრთხოების სპეციალისტი ვალდებულია, ინდივიდუალური დაცვის საშუალებების ტარების მოთხოვნათა დამრღვევი პირის მიმართ გაატაროს

დისციპლინარული პოლიტიკით გათვალისწინებული ღონისძიებები.

III. სამუშაოთა მწარმოებელი (ობიექტის მენეჯერი):

სამუშაოების წარმოებისას, სამუშაოთა მწარმოებელი პასუხისმგებელია დაქვემდებარებულ პერსონალის მიერ შრომის უსაფრთხოების წესების დაცვაზე, რისთვისაც მას გააჩნია სათანადო უფლებამოსილება, რესურსები და ადმინისტრაციის მხარდაჭერა, უსაფრთხოების პოლიტიკის პრაქტიკაში განსახორციელებლად.

სამუშაოთა მწარმოებლის (ობიექტის მენეჯერის) მოვალეობები:

1. სამუშაოთა მწარმოებელი ვალდებულია შეიმუშაოს, ორგანიზება გაუკეთოს და დანერგოს სამუშაო ნორმები (მათ შორის მოწყობილობის შერჩევა), რომელიც საფრთხეს არ შეუქმნის მუშა-მოსამსახურეების სიცოცხლესა და ჯანმრთელობას.
2. სამუშაოთა მწარმოებელი ვალდებულია ინფორმაციის მიღებისთანავე უზრუნველყოს შესაბამისი ზომების მიღება ნაგებობებისა თუ მოწყობილობების გაუმართაობის ან საფრთხის შესახებ. ამგვარ ზომებში შედის, აუცილებლობის შემთხვევაში სამუშაო ობიექტებზე ტექნოლოგიური პროცესების შეწყვეტა ან მოწყობილობების ექსპლუატაციის შეჩერება.
3. სამუშაოთა მწარმოებელი უნდა დარწმუნდეს სამუშაო გარემოს უსაფრთხოებაში და მუდმივად უნდა შეამოწმოს მუშა-მოსამსახურეები, დარწმუნდეს, რომ ისინი მუშაობენ შრომის უსაფრთხოების მოთხოვნების დაცვით.

IV. ორგანიზაციის მუშა-მოსამსახურეები (დასაქმებულები)

ორგანიზაციის ფუნქციონირების გადამწყვეტ რგოლს წარმოადგენენ დასაქმებულები, რომლებიც უზრუნველყოფენ პროდუქტის შექმნას. ყველაზე დიდი წილი მათი შრომისა დაკავშირებულია უსაფრთხო სამუშაო გარემოსთან. ამასთან, დასაქმებულები ვალდებულნი არიან:

1. დაიცვან შრომის უსაფრთხოების მოთხოვნები, წესები და ინსტრუქციები;
2. სწორად გამოიყენონ და მოუარონ ინდივიდუალურ დამცავ საშუალებებს;
3. არ დაუშვან ინდივიდუალური დაცვის საშუალებების განზრახ დაზიანება;
4. ინდივიდუალური დაცვის საშუალებების დაზიანების, შეკეთების ან გამოცვლის შესახებ აცნობოს სამუშაოთა მწარმოებელს.
5. გაიარონ სწავლება სამუშაოების შესრულების უსაფრთხო მეთოდებზე და წესებზე, ინდივიდუალური დამცავი საშუალებების სწორ გამოყენებაზე და მოვლაზე.

6. დაუყოვნებლივ აცნობონ უშუალო ხელმძღვანელს/ზემდგომს იმ რისკებზე, რომელიც საფრთხეს უქმნის სამუშაო ადგილებზე ადამიანთა სიცოცხლესა და ჯანმრთელობას, ავარიულ სიტუაციებზე, უბედურ შემთხვევებზე, საკუთარი ჯანმრთელობის მდგომარეობის გაუარესებაზე.
7. თავი შეიკავონ გაუფრთხილებელი და დაუდევარი ქმედებებისგან, რომლებმაც შეიძლება გამოიწვიოს ავარია ან უბედური შემთხვევა.
8. დაიცვას დამსაქმებლის, შრომის უსაფრთხოების სპეციალისტის, საწარმოო ექიმისა და ზედამხედველი ორგანოს განკარგულებები, მითითებები და რეკომენდაციები შრომის უსაფრთხოებასთან დაკავშირებულ საკითხებზე;
9. არ გამოცხადდეს სამუშაოზე ალკოჰოლური, ნარკოტიკული, ტოქსიკური ან ფსიქოტროპული სიმთვრალის მდგომარეობაში და სამუშაოს შესრულებისას არ მოიხმაროს ასეთი მდგომარეობის გამომწვევი ნივთიერებები;
10. დაემორჩილოს სამუშაო სივრცეში თამბაქოს მოხმარების შესახებ აკრძალვებს;
11. თვითნებურად არ გამორთოს, არ შეცვალოს ან არ მოხსნას სამუშაო ტექნიკის, აპარატის, ინსტრუმენტის, დანადგარის ან აღჭურვილობის უსაფრთხოებისა და ჯანმრთელობის დამცავი მოწყობილობები და აღნიშნული მოწყობილობები დანიშნულებისამებრ გამოიყენოს;
12. ინდივიდუალური დაცვის საშუალებები გამოიყენოს ინსტრუქციების შესაბამისად და დააბრუნოს მათთვის განკუთვნილ ადგილზე;